

ნახშირე

9

მაისი
1989

„... როგორც ცნობილია, ჩვენი ქალები და ბავშვები მაინც დაიღუპნენ, თუმცა მათს გადარჩენას თურმე ძალიან ცდილობდნენ საგანგებოდ ამისათვის ჩამოყვანილი გულმოდგინე ჯარები სსრკ შინაგან საქმეთა სამინისტროსი...“.

ვახტანგ ბერიძე

(გაზეთი „თბილისი“, 5. V. 1989 წ.)

ეს რაი გვიყავ?! —
ეს ვის ხელში
ჩაგვყარე, ზენავ?! —
გვრიტ არს ამათთან
შე დარები თ
თვით ურუ შურვანი!..

მუხრან მახუპარიანი



პლაკატი საქართველოს სსრ სახალხო მხატვრის ჯემალ ლოსლუასი

საინჟინერო-ტექნიკური ჟურნალი

საინჟინერო-ტექნიკური ჟურნალი

— ჩვენ ვენდობითო!.. —
იღებს სიტყვას სხვების სახელით..
დგას ტრიბუნაზე
იანუსი და აქებს ასპიტს!..
რა შეიცვლება,
როცა ვამხელ ეშმას გამხელილს —
კაცს ფარისეველს,
იმ ასპიტზე მხამიანს ასგზის?!

ნაცნობებით და
პროტექციით შექმნილ სახელს
აქვს დიდ ქალაქში
ხელოვნური გაზონის სახე!



რა გინდ იდავო,
ბუნებრივად ვერ ჩათვლი, ვერა! —
ხომ არ ჩათვლილა
დუნიაზე არწივად ძერა?!

მოიმოქმედა,
მოვიდა და... შეერწყა ფერებს,
მაფანს და მაფანს
ყური უგდო, —
გახლდათ მაფანი, —
თანამედროვეს ის არ ძალუძს,
რასაც კი მერე
ადგილს მიუჩენს
ღირსეულად შთამომავალი!

ხელთ იგდო პოსტი,
უმცროსებზე ჯავრი იყარა,
ლოკატორებად
მოიქვენელობის
ყურნი ასწია!
როდესაც გული
იჯერა მან,
გადაიკარა
ღვარძლი და...
ახლა უცოდველი,
მშვიდი კაცია!

ზის სავარძელში
მძიმე-მძიმედ, —
აქვს მიტომ ნონა,
მაგრამ თუ ერთ დღეს
სავარძელი გამოაცალეს,
არვინ აღირსებს



„ბატონოს“ და „შენ გენაცვალეს“, —
გახდება უცბად
ქარსგატანილ ბუმბულის ტოლა!
ესეც იცის და...
სავარძელი სიცოცხლედ უღირს,
ჩაფრენილია კბილებით და...
სახეა მისი!
საკითხავია:
სანამ პქონდეს
სკამი კაცს უღირსს,
სანამდე ასე
სახელი და ქუდ-ბედი სხვისი?!

შენ როგორ ფიქრობ:
რომ იძახი თეთრზედა — „შავი!“ —
გახდება წამით
ფიფქა გედი
ჭვარტალა ყვავი?!
როგორც სალბუნად
არ ჩაესმის ყურს
მსხვერვეა ზვავის,
ისე ყინულზე ცეცხლის ვარდი
აროდეს ჰყვავის!

როგორც კი
პოსტზე დანიშნეს და
ხმა დაიყენა,
დღეს თითქმის
ყველა საკითხს სწვდება,
არჩევს და არკვევს!
მიმოიხილავს დაჯერებით
ყველაფერს, ყველას, —
კარიერა ხომ
მისი ჭკუით აბზინდა სარკედ!
ისმენენ უთვლელ სიბრძნეს მისას
საოცარ თმენით,
მერე კი
ალბათ არვინ იცის,
— თუ რა მოხდება!..
როს აეკრძალვის
ტრიბუნაზე ქაილი ენის,
როცა მოსსნიან,
ძმა რომ ძმავა, —
აუმბობსდება!

რა საბუთით და
რა სიბრძნე-განსჯით
დგახარ და
სწვათა
ბედ-იღბალს ჩხიბავ?!

ვინც შეგაჩეჩა ხელთ
მჭრელი ბარჯი,
ალბათ ისევე იმასვე
ხიბლავ!
შენი გზა თურმე
გახდა წყვედიანი
სიმართლესა და
სიცრუეს შორის,
დანყველილია
ეშმას ხშიადი,
ვით ურისგან
— გაჩენა ღორის!
შენ კი რა? —
ისევე არად აგდებ
დღეს ყოველს, ყველას,
ოღონდაც შენმა
იხაროს ჭიამ!
ურმის კოფოზე
შესკუშებულს გნადია
შველა,
თუმცადა უღლის
მიყვებები ჭრიალს!..

— გათენდებაო დღე უარესი! —
ჭექა-ქუხილში
ხარობს ელია!..
მჭრელი მახვილით
ელავს არესი
და დღეს ნუგევიც
ძნელზე ძნელია!..
ხარ ყინვისა და
დათვის მსახური,
მართლაც ერთგული
ორგულთა მოდგმის,
და გზნება,
ფერფლი გადანახული,
ჩემო ბატონო,
იფთქებს როდის?!


წვერ-ულვაში მოუშვა და...
შეუთხელდა თმა!..
იმდაგვარი ჯიში აქვს, რომ
ალარ უნდა თქმა!..
კიდევ მწერლობს!..
ვაშმე, მართლაც,
რაც პოსტები ეკავა,
მელოტ-მელოტ გადაიქცა
თავის თავის რეკლამად!

1986 წ.



ილუსტრაციები ჯ. ლოლუსისი

„ვაჟის ძირში დარჩეული აკანანი..“



ბიუროკრატია სასომატიველობაში

— ესე იგი, თქვენ ზაქარია ჩიტოძე ხართ, არა?
 — დიახ!
 — მეხუთე კორპუსიდან?
 — დიახ, 25-ე ბიძიდან.
 — რამდენი წლისა ხართ?
 — ოთხმოცდაორას.
 — კარაქის ტალონისთვის ხართ მოსული?
 — დიახ, თუ შეიძლება...
 — რა თქმა უნდა, შეიძლება! აბა, ამდენ შეკითხვას ტყუილუბრალოდ ხომ არ მოგცემდით?! ცნობა თუ მოატანეთ?
 — არა, ახლა არა, მაგრამ შარშან ხომ მოგიტანეთ ცნობა სოცუზრუნველყოფის განყოფილებიდან, რომ პენსიონერი ვარ!..
 — ის შარშან იყო, წელს ახალი ცნობა უნდა მოიტანოთ, უამისოდ ტალონს ვერ მიიღებთ!
 — კი, მაგრამ პასპორტი და პენსიონერის ნიგნაკი ხომ მაქვს. ნუთუ, არ შეიძლება, ამის საფუძველზე მომცეთ ტალონი? ნამდვილად აღარ მეგონა, წელსაც თუ დამჭირდებოდა იმავე ცნობის მოტანა..

— რატომ აღარ გეგონათ?
 — იმიტომ, რომ ახლა ებრძვიან ასეთ ბიუროკრატიზმს და, ესეც არ იყოს, აქამდე ეჭვი არავის შეუტანია ჩემს პენსიონერობაში!
 — მოითმინეთ, მოითმინეთ!.. ეს რასა ჰგავს?! ჯერ ერთი, ბიუროკრატიზმის წინააღმდეგ ბრძოლა ჩემი საქმეა და არა თქვენი. ესეც საოცარია კიდევ, განა ცნობის მოთხოვნა ბიუროკრატიზმია? ასე ხომ ყველას შეუძლია თქვას; პენსიონერი ვარო! მე საბუთი მჭირდება! აბა როგორ?!
 — განა ოთხმოცდაორი წლის კაცი არ ვგავარ პენსიონერს? ანდა, თუკი შარშანდელი ცნობით პენსიონერი ვიყავი, წელს ხომ ვერ გავახალგაზრდავდებოდი?
 — მაგას რა მნიშვნელობა აქვს?! იქნებ მუშაობა დინყეთ?! და, რომ იცოდეთ, შრომის ნიგნაკიც უნდა მომიტანოთ!
 — რალა დროს ჩემი მუშაობაა?!. მაგრამ რომც დამეწყო,

ხომ უნდა ნამელო თქვენგან ცნობა საცხოვრებელი ადგილიდან?
 — მაგ ცნობას ამ ცნობასთან არავითარი კავშირი არა აქვს! ან ვინ იცის, იქნებ ნაილეთ კიდევაც, ახლა მაგის ძებნასაც ხომ არ დავინწყებ?! ვერ ხედავთ, როგორ ვარ დაკავებული?! კიდევ ერთხელ გიმეორებთ, მე მჭირდება ცნობა სოცუზრუნველყოფის განყოფილებიდან, რომ ნამდვილად პენსიონერი ხართ! ღმერთო ჩემო, როგორღა აგიხსნათ? უსაქმური ხომ არ გგონივართ?! სად მცალია, მთელი დღე ასე გელაპარაკოთ?!
 — აბა, რა ვენა? დღეს ნამდვილად აღარ შემიძლია სოცუზრუნველყოფის განყოფილებაში წასვლა. თუ ტალონებს მომცემთ, პირობას გაძლევთ, რომ რამდენიმე დღეში ცნობას მოგიტანო!
 — მაინც რამდენი ტალონის წაღება გინდათ?
 — ორის, ჩემი და ჩემი მეუღლისა.

— რატომ თვითონ არ მოვიდა?
 — ავად არის, არ შეუძლია.
 — აბა, ცნობაც რომ მოგეტანათ, თქვენი მეუღლის ტალონს მაინც ვერ მოგცემდით, პირადად უნდა მოვიდეს!
 — თუ არ გჯერათ, დაურეკეთ და თვითონ დარწმუნდებით, რომ ავად არის!.. აი, ჩემი ტელეფონის ნომერი!
 — ახლავე ყველაფერს გავარკვევ; აბა, მე აქ რისთვის ვარ?
 — ისიც ჰკითხეთ, ახლა სადა ვარ!
 — ალო! ჩიტოძის ბინაა? თქვენ მისი მეუღლე ხართ? აჰა, გასაგებია!.. ავად ხართ?.. სადა არის ახლა თქვენი მეუღლე?.. სახლმმართველობაში?.. გმადლობთ!
 — აი, ხომ დარწმუნდით?
 — კი, მაგრამ რით დამიმტკიცებთ, რომ ნამდვილად თქვენს მეუღლეს ველაპარაკე?
 არაერთი პენსიონერის თხოვნით — თიფურაზ მორგოშია.

ჩაი დაწვით, ჩაი?!



საქართველო
გაზეთების კავშირი

ანუ დავიწყებული „ცისფერი თავდავიწყება“

ფელაბონი

თუ გიფიქრიათ ოდესმე იმაზე, რატომ დაარქვეს ჩაის ჩასაყენებელ ჭურჭელს ჩაიდანნი? — ვეჭვობ, ალბათ თავიც არ შეგიწუხებიათ! არა, შესაძლოა, გიფიქრიათ კიდევ, მაგრამ პასუხი ვერ მიგიღიათ! პირადად მე ეს თავსატეხი დიდი ხანია ამოხსნილი მაქვს და სრული საფუძველი გამაჩნია, პირდაპირ განვაცხადო: მან, ვინც სიტყვა „ჩაიდანნი“ პირველად ახსენა, უთუოდ იწინასწარმეტყველა, რომ მწვანე ოქროდ წოდებულ ამ ძვირფას მცენარეს — ჩაის ერთ დროს დანიშნავდნენ ხელყოფდნენ!

მართლა რა დიდი გულთმისანი და მზაკვარი ვინმე ყოფილა ის უცნობი ნათლია! ადვილი შესაძლებელია, მას ისიც ეწინააღმდეგებოდნენ, დროთა განმავლობაში სინდისგარეცხილი ადამიანები დანასაც არ დასჯებდნენ, ღვთაებრივ ნორმ ფოთლებს, ჩინურად ჩა რომ ჰქვია, ისე შეურაცხყოფენ, საქვეყნოდ სახელს გაუტყენ!

ჩაის ჩაგვრა თავდაპირველად ხელთათმნიანმა მკრეფავებმა დაიწყეს, — თითებსაც დავიცავთ და ნედლეულსაც (სულ ერთია, როგორს) უხვად დავახვავებთ! შემდეგ თანდათან მომრავლდნენ ხელდანინები, ხელნამგლიანები, ლითონის, ხისა თუ ბამბუკის თვითნაკეთი დანისმავარი იარაღმომარჯვებულები, ცოტა უფრო გვიან გოლიათ დანებად იქცნენ სანაქებო საკრეფი მანქანები!.. აგრესიულობით მათაც გადააჭარბეს უმცროსმა ძმებმა — ხელის აპარატებმა!.. გაჭირდა გარჩევა, რომელი უფრო მეტ ბარბაროსობას იჩენდა ჩაის გასანადგურებელ ტოტალურ ფრონტზე. ხოლო თვითნაკეთი „საბრძოლო“ იარაღი იმდენი დაგროვდა, მისი ერთი ნაწილი, სტიქიურად ნედლეულში შერეული, ჩაის ფაბრიკების მუშებს ხელში უვარდებოდათ.

არაერთი ასეთი იშვიათი „ნადავლი“ აღმოგვიჩინია წლების წინათ ზუგდიდის ზონაში, კერძოდ, ჩხორონწყუს, ნალენჯისის, ცხაკაის რაიონებში, რის შესახებაც მზა აღიმაღლა „ნიანგმა“ 1984 წლის მე-10 ნომერში. მეჩაიეობის რომელ რაიონში არ ნახავდით სხვადასხვა აკრძალული საშუალებებით ნაგლეჯ, მინარევებით „გამდიდრებულ“ მომწვანო კონგლომერატს!

სწორედ იმ ხანებში, როცა ქართული ჩაის მდგომარეობის გამო საერთო უკმაყოფილებამ, გულმინჯრომამ კულმინაციურ წერტილს მიაღწია და ორგზის სოციალისტური შრომის გმირის თამარ ყუფუნიას მონოდებს საყოველთაო გამოხმაურება მოჰყვა, ყველა ერთად ღიარებდა მკრეფავ-ფალსიფიკატორთა წინააღმდეგ. დაუნდობელი ბრძოლა გამოცხადდა ჩაის ხარისხისადმი გულგრილ ხელმძღვანელებს, მუშებს, კოლმეურნეებს, საექიმოსისტებს. იმ სეზონის დასაწყისსაც კარგი პირი გამოუჩნდა, მაგრამ...

გადიოდა დრო. ჩაის ხარისხის საქმეს სასიკეთო დიდი არაფერი დასტყობია! — ძნელი აღმოჩნდა წლების მანძილზე მკრეფავთა ფსიქიკაში ღრმად გამჯდარი მავნე თვისების — ხარისხის უგულვებელყოფით რაც შეიძლება მეტი ნედლეულის მიღების სურვილის აღმოფხვრა! არასწორი, უმოწყალო ექსპლუატაციის, ამასთან მინერალური სასუქების უთავბოლო გამოყენების, პლანტაციების დამუშავების, კრეფის აგროვადებისა და წესების სისტემატურად დარღვევის შედეგად მწვანედ მოხასხასე პლანტაციებს ბევრგან უფრო აშკარად დაეტყო დაკნინება-გადაგვარების ჩრდილი. გახშირდა მუქი ფერები. ყოველივე ამას ზედ ერთვოდა არახელსაყრელი კლიმატური პირობები, ამინდის ჭირვეულობა.

ისევ დადგა განგაშის, ზარის ჩამოკერის უამი ქართული ჩაის ბედით დაინტერესდნენ სკკპ ცენტრალური კომიტეტი, მთელი საზოგადოება. ადგილებზე მდგომარეობის საფუძვლიანად შესწავლისა და ყოველმხრივ გაანალიზების საფუძველზე სამამულო ჩაის პრესტიჟის აღდგენის მიზნით გატარდა აუცილებელი ღონისძიებები: მნიშვნელოვნად შემცირდა კრეფის საერთო ვაგმა, გაიზარდა მეჩაეთა შრომის ანაზღაურება, მზა პროდუქციის ფასი მატერიალურ და მორალურ ნახალისებასთან ერთად თავისთავად გაძლიერდა კონტროლი, მომთხოვნელობა!

ამგვარი სულსკვეთებით, გარდაქმნის საკადრისი შემართებით დაიწყო 1988 წლის სეზონი. პირველი შედეგიც ნათლად გამოჩნდა. მისიში ძირითადად იკრიფებოდა და გადამამუშავებულ სანარმოებში იგზავნებოდა პირველხარისხოვანი დუყების ტონები. ხოლო მათ, ვინც „ძველ წესს“ არ იზილიდა, გარდაქმნას ფეხს ვერ უწყობდა, პირველსავე წინააღმდეგობას თვით ჩაის ფაბრიკების მესვეურები უწევდნენ, უბოდიშოდ უბრუნებდნენ უკანვე უხარისხო პროდუქტს. ასე მაგალითად:

1988 წლის 16 მაისს ცხაკაის № 1 ფაბრიკიდან გეგმითის საბჭოთა მეურნეობას დაუბრუნეს 1240 კგ ნედლეული, რომელშიც მოუხეშო ფოთოლმა (46 პროცენტი შეადგინა, ჯოსმა — 3 პროცენტი).

იმავ დღეს აღნიშნულმა ფაბრიკამ გადასამუშავებლად არ მიიღო სოფელ ფოცხოს კიროვის სახელობის კოლმეურნეობის 1550 კგ ჩაი. ასევე 16 მაისს უხარისხო ნედლეული დაუბრუნდათ ლეძაძამის ცხაკაის და გაზეთ „კომუნისტის“ სახელობის კოლმეურნეობებს.

28 ივნისს ნალენჯისის რაიონის ჭალე-ფახულანის ფაბრიკაში მუშავის კიროვის სახელობის კოლმეურნეობიდან მიტანილ 320 კგ ნედლეულში მინარევი აღმოჩნდა ორი პროცენტი, ყაისფერი ლერაკი — ოთხი პროცენტი. იმავე დღეს სანარმო მახვიარი ტონა უხარისხო ნედლეული დაუბრუნა მუშავის ორჯონიკიძის სახელობის კოლმეურნეობას.

10 აგვისტოს ზუგდიდის რაიონის დარჩელის ჩაის ფაბრიკიდან ოქტომბრის სახელობის კოლმეურნეობას დაუბრუნდა 1780 კგ უკონდიციო ნედლეული, რომელშიც ანალიზის მიხედვით აღმოჩნდა ხუთი პროცენტი მინარევი, თოთხმეტი პროცენტი ჯოსი.

20 ივლისს ზუგდიდის რაიონის ორჯონიკიძის ფაბრიკამ არ მიიღო ჭაქვიანის კოლმეურნეობის № 3 ბრიგადის მიერ მოკრეფილი 2200 კგ დიდი ოდენობით უხეში ყლორტების შემცველი ნედლეული, მაგრამ იქვე დაუშვეს საპირისპიროც: 9 სექტემბერს გადასამუშავებლად მიიღეს ინგირის აგროსამრეწველო კომბინატის 3400 კგ უფარგის ნედლეული.

გეგმეჭკორის რაიონის ნაგვაზაოს აგროსამრეწველო კომბინატის ფაბრიკაში ერთ ტონამდე უხარისხო ნედლეული მიღება-გაფორმების, ანალიზის აღების გარეშე დაეკრათ. ადგილზე არც ლაბორანტი აღმოჩნდა, არც სანარმოს უფროსი და ტექნოლოგი.

ანალოგიურ ფაქტებზე ასობით აქტია შედგენილი როგორც დასახლებულ, ისე ზონის სხვა რაიონებში, ეს იმას ნიშნავს, რომ ჩაის ხარისხის პრობლემის გადასაჭრელად ჯერ კიდევ ვერ იბრძვიან პარტიის ცენტრალური კომიტეტის მოთხოვნათა დონეზე. ბევრგან ისევ ძველებურად უდგებიან ნედლეულის გეგმაზომიერად კრეფის ორგანიზაციის, კოლმეურნეებისა და მუშების მატერიალური, მორალური ნახალისების, მათი შრომისა და საყოფაცხოვრებო პირობების გაუმჯობესების საკითხებს.

საზოგადოებრივი მეურნეობების სამეცნიერო-ფართობებში თითქმის უცვლელად იყენებდნენ არასწორ მეთოდს: პლანტაციების რიგებზე საგანგებოდ გადაზრდილ-გადაუხეშებულ ყლორტებს ბუნებრივ მინარევებთან ერთად, ცხერის პარსვის მსგავსად, ერთიანად გადაკრეფდნენ მანქანები. ასევე ხდება ხელის აპარატების სამოქმედო ნაკვეთებშიც.

ასეთ ვითარებაში ვილას გაახსენდებოდა ტიპსები — ჩაის ნაყენისათვის განსაკუთრებული გემოს, არომატისა და სამკურნალო-სასარგებლო თვისებების მიმნიჭებელი „ბაი-ხო“, რაც ჩინურად „ცისფერ თავდავიწყებას“ ნიშნავს?!

როგორ დავიბრუნოთ დავიწყებული „ცისფერი თავდავიწყება“? — მხოლოდ ჩაის ხარისხოვანი ფოთლის, ყოველგვარი მინარევისგან თავისუფალი ნორჩი ყლორტების კრეფით! ეს რომ ასე მოხდეს, აუცილებელია პატიოსნად, დროულად შესრულდეს ნედლეულის ხარისხის უზრუნველყოფასთან დაკავშირებული ყველა ღონისძიება და, რაც მთავარია, არ უნდა მოიკრიფოს ჩაი ნამგლით, ჩაი დანით, ჩაი!...

ანწორ ბარამია,

„ნიანგის“ კორესპონდენტი ზუგდიდის ზონაში.

ვერ გავიბა!..

ვერ გავიგე, როგორ იცის იმ ბებიამ, ამ ბებიამ, იმ ოჯახში, ამ ოჯახში რა ხდება, რა ამბებია? ამ ბაბუას, იმ ბაბუას რად ეძახის ინგა „ბუას“? იმ ბიძიას, ამ ბიძიას რად აქვს დიდი ამბიცია? ამ ბიცოლას, იმ ბიცოლას რად სურს ვაჭარ სიძის ყოლა? ვის ახსოვს და ვინ უგზავნის ამ დეიდას, იმ დეიდას ასე ხშირად ამანათებს ბომბებიდან, სინდნიდან? ეს მაშიდა, ის მაშიდა რად ვერ ხვდება, რის თქმა მინდა?

— ამ მაშიდას, იმ მაშიდას რად ვერ ძრავენ თბილ სკამიდან? ეს სიდედრი, ის სიდედრი სიძეს ადგილს რად აყვედრის? ფართიფურთობს ვის იმედიო, რად დაწყევლა სიძის ბედი? ამ მუშაკს და იმ მეც, მუშაკს ეს ბაზარი როგორ ფშუკავს? ვერას ვიგებ ამ მძახლისას, ვერას ვიგებ იმ მძახლისას, როგორ გახდნენ მფლობელები ამ სახლისა, იმ სახლისა? ამ ბიძაშვილს, იმ ბიძაშვილს ვინ უშენებს სახლს რინაში? ისიც მინდა, რომ გავიგო: ეს ნათლული, ის ნათლია ხალხის სარჩოს, ხალხის

დოვლათს მსუქან ნაჭრებს რად ათლიან? თ. წითელხაველი.

რალად გინდა მანქანა?

ვინ გიყიდა ეგ „ჭიგული“, ასე ვინ გაგიმტა? არც ქვეყნისთვის ვარგისხარ და არც ოჯახის იმედად! როცა გამოიბრუებები, კარგავ ჭკუის გასაღებს, გიკანკალებს ხელები და ძრავასავით ცახცახებ!.. ნეტავ შენთან ვინ ქეიფობს, ბრახუნავ და ქაქანავ, შენ თვითონ ხარ სათრევი და რალად გინდა მანქანა?

ნიოსაზ გაკოშვილი (ლაგოდების რაიონი).

გაჭედვა

— ალოო!.. მილიციაა?
— დიახ!
— სასწრაფოდ მობრძანდით, „ზასარენია!“
— თქვენ შეგეშალათ, მოქალაქე, ასეთ შემთხვევაში სახლმმართველობაში უნდა დარეკოთ და სანტექნიკოსი გამოიძახოთ!
— არა, უფროსო, ჩემს მეზობელს საეჭვო მილში მოლიონები აქვს გაჭედოლი!.. გირჩევთ, წამოსვლისას თან ბუღალტრების ეშელონი წამოიყვანოთ, თორემ იმდენ ფულს რა დათვლის, მაგარი კოოპერატივის პატრონია!

მზია მხგალიშვილი

კა გვინდა შესი!

ნიშორასკა

ლუარსაზ ფრთაფარფატაშვილმა სიტყვა რომ დაამთავრა, ტაშის ისეთი გრიალი ატყდა, როგორსაც ცამდე შემართული ყორის დანგრევა გამოიწვევდა წყნარ და უხმაურო უდაბნოში. ლუა (როგორც შინაურები ეძახდნენ) დარბაზში დაბრუნდა, მაგრამ იძულებული გახდა ფეხზე წამომდგარიყო და კიდევ ერთხელ დაეკრა თავი აუდიტორიისათვის.

ტაშისკვანა ერთია და შინაგანი კმაყოფილება — მეორე. ორატორს თვითონვე მოეწონა თავისი გამოსვლა, არ დაუკლია არც მახვილსიტყვაობა და არც ირონია, არც სატირა და არც იუმორი. შეუბრალოდ ანადგურებდა მონინააღმდეგეს და წამახალისებელი შეძახილებით ფრთაშესხმული ყოველწინადადებს მკვეთრი ცინიზმით ამთავრებდა. ბოლოს ფეხის წვერებზე შედგა და მონინააღმდეგეთა ბანაკს მთელი ხმით დასჭყა:

— არ გვინდა ჰესი! გესმით?! არავითარი ჰესი არ გვჭირდება!..

უეცრად უკანა რიგებიდან მელნისფრად თმებშეღებილი, შუა ხანს მიტანებული მანდილოსანი გამოენტო, სკუპ-სკუპით ფრთაფარფატაშვილისავე გამოემართა, მის გარშემო შემოკრებილთა რკალი გაარღვია, ხელები ჯერ თვითმფრინავის პროპელერივით დაატრიალა, მერმე წინმკლავით ლუსას კისერს მისწვდა და არასკოლამდელი ბავშვის ილეთით — „აბა, ვინ გავახარო“ — კისერზე ჩამოეკიდა. წითელი პომადით მოხატულმა ტურჩებმა სამი თანაბარი რკალი მოხაზა ფრთაფარფატაშვილის ლოყაზე. „მწ!“.. „მწ!“.. „მწ!“.. მოხალული ბატიბუტივით გავარდა კოცნის ხმა დარბაზში.

მოულოდნელი სიტუაციით შეცბუნებულმა ფრთაფარფატაშვილმა ტვირთს ვერ გაუძლო, ჩაიქცა და გულაჩუყებული ქალბატონი საფე ტომარასავით ზედ დაემხო. ათიოდე ხელი ერთბაშად მისწვდა ნაქცევლებს, მალა აიტაცეს და მერე წარწარად დაუშვეს გაპრილებულ იატაკზე.

ერთი სიტყვით, საქმით და შედეგით ლუსა ერთობ კმაყოფილი იყო. სახლისკენ მიმავალი ოცნებით ცაში დაფრინავდა და ათასნაირ გეგმებს სახავდა: ამ საღამოს ლექცია ჰქონდა მოსამზადებელი, შეკითხვებზე — პასუხი გასაცემი, გაზეთისათვის — წერილი დასამთავრებელი და თერთმეტ საათზე ტელევიზორში არც დღევანდელი თათბირის გადმოცემა უნდა გამორჩენოდა, რათა კარგად განესაჯა თავისივე ხელების შესტიკულაცია, სახის მიმიკა და სიტყვათა ფლერადობა.

სულ მალე გაიღია სახლამდე მანძილი, ხელის სწრაფი მოძრაობით ჯიბიდან გასაღები ამოაღვინა, კარი გააღო და თითბებით ელექტრონის ლილასს მისწვდა, მაგრამ ჩვეულებრივად არ გაბდღვრილდა ოთახი, ყომრალი სიბნელე შავ ფარდასავით ჩამოფარებოდა გარემოს. ფრთაფარფატაშვილი ტკბილი ზმანებიდან გამოერკვა, ჩაბნელებულ ქუჩას გახედა, გასტრონომსაც შეავლო თვალი, მაგრამ იქაც კუნაპეტ სიბნელეს დაეპყრო არემარე!..

მცირეოდენი დაბნეულობის შემდეგ გადაწყვიტა სანთლის პატარა ნატეხი მოეძებნა,

აბაზანის ოთახში რომ ეგულებოდა, მაგრამ არც ისე ადვილი აღმოჩნდა სურვილის შესრულება. ხელის ფათურით მიჰყვებოდა ავეჯით დახაფრულ გზას, ვარაუდით ადგამდა მოკლე ნაბიჯებს, მაგრამ უმტყუნა გუმამმა, მარჯვენა ფეხი ჟურნალის მაგიდას წამოსდო და იქიდან გადმოვარდნილმა ხილით სავსე ლანაწკმა იატაკზე მოადინა ჯახანის!..

— ფუჰ შენი!.. — შეუკურთხა გამწარებულმა და ბროლის ნამსხვრევებს ფესაცმლის წვერი გამეტებულად ამოჰკრა.

აბაზანაში სანთელი არ აღმოჩნდა, უკან გამოსვლისას ზამბარიანი კარი ჩარჩოსთან დაენია და დამიზნებული ფინდისივით შუბლზე შეესადა!..

— ეშმაკმა დავლახვროს, ეშმაკმა! — ჩაიბურტყუნა და ორივე ხელი პირზე აიფარა. სოკოსავით ამონეული კობი თანდათან იზრდებოდა!..

— ასეთი სიფათით არ გინდა ლექციის ნაკითხვა?!

ტკივილით გამწარებულმა მაგიდას ხელი გამეტებულად დაარტყა და, პირი, საკვირველებავს! — მაგიდიდან ავარდნილმა ასანთის კოლოფმა ისევ მაგიდაზე მოადინა ტყაპანი. ერთი ლერი ანთო და ტელეფონების წიგნში „თელასს“ დაუნყო ძებნა. როგორც იქნა, მიავგნო, იპოვა ნომერი და გატრუსული თითებით ციფრები აკრიფა.

— თელასია?
— გახლავთ!
— რატომ არ არის სინათლე კონახურის (დალმარბზე)?

— ელექტროენერგიის ნაკლებობის გამო ქალაქში გრაფიკი დაწესდა! — ჩაიჩიფრეოდა ვილაცამ.

— მერე?
— რა მერე?
— მერედა ის, რომ უფრო ფართო ინფორმაცია უნდა მომანოლო! შენ რა, ლაპარაკი არ იცი?

— ლაპარაკი ბევრი არა, მაგრამ ელექტრობის საქმე კარგად ვიცი!.. — უპასუხა ვილაცამ და სწრაფად დაუკიდა ყურმილი.

ფრთაფარფატაშვილის ხელში შეყინული ყურმილი ისევ თავის „ტუ“-ტუ“-ს განაგრძობდა!..

პალერიან მამუქალაშვილი



ქეჩიქი

ჭადრაკის დაფა.
უილაჯო მეფე.
უთოფო ჯარისკაცი.
უცხენო ეტლი.
მამაცი ოფიცერი
სამსხვერპლოს ეძებს,
სისხლით დაჭოფილია
ხელები მხედრის!..

ღირსი თუ უღირსი
მანამდე სუნთქავ,
ბებერი მეფე
დაიცვა უნდა!..

და მიბორძიკობს
ცხოვრება ასე:
სხვადასხვა მეფე,
ოფიცერი,
და ერთი დაფა!
ცოცხლობენ,
ბოლოს სუყველა ავსებს
ამ ერთ დაფაზე
საერთო საფლავს!
— წინ! — ოფიცერი

ძალღვიით ყვეს და
დამფრთხალ პაიკთა
შეკრებას ცდილობს.
— წინ!.. თორემ
ხიშტი დანესტრავს კეფას,
წინ — მეფისათვის,
წინ, ღორის ტილო!..



მამაცი ოფიცერი
ირჯება მხოლოდ,
შუბლზე ასკდება
მტვრიანი ოფლი.
ყლალულვაშიან
ამ ჭკუის კოლოფს
კახა დედოფლის
ღიმილიც ჰყოფნის.

ღირსი თუ უღირსი,
მანამდე სუნთქავ,
ბებერი მეფე
დაიცვა უნდა!..

და მიბორძიკობს
პაიკი ასე,
მუჯღუგუნებით
მეფე „მამიკოსი“,
რა დროს ფიქრია
საკუთარ თავზე?!
არის ნაბრძანები:
— პაიკო, წინ!..

თუმცა გრძნობენ, რომ
უაზრო სვლაა,
მაინც წინ მიდის
პაიკთა ნყება,
ბედნიერება
იმათთვის სხვაა —
ეგებ იპოვონ
სიყვდილში შეება!

ცხოვრება უნდა
სამსალით წერო,
იარე წინ და
იარე, კეპე!
შენ ვინა გკითხავს,
სანყალო მწერო,
რამდენ საყვარელს
გაიჩენს მეფე?!
ან დედოფალი
სათნო და ქერა,
ვის სარეცელზე
მოიკლავს ნდომას?!

შემოუჭირე
საჩქაროდ ღვედი
აბუებუყებულ
ცარიელ სტომაქს!

ღირსი თუ უღირსი,
მანამდე სუნთქავ,
ბებერი მეფე
დაიცვა უნდა!

— რა ამბავია?!
შეგვჭამა ქინქლამ,
სული ამოგვხდეს
ჭაობში ლამის!..

— ჩვენში დარჩეს და,
სიმაართლე გითხრა,
მხოლოდ და მხოლოდ
სვლა დაგვრჩა სამი!

— ჩვენს ლენჩ ოფიცერს
მიეცი ბანქო



და საყურებლად
დედოფლის გავა!..
ტაკიმასხარა
პაიკი ანგლობს:
— ბოლოს სუყველა
ერთ ყუთში ჩავალთ!..

ცეცხლი ჩაუქრო
ულაყმა შარდით,
ფრუტუნ-ფრუტუნით
გაუყვა ღამეს.
სამი პატარა
გუდურა დარდის
ზის და მასხარას
ბოთლიდან სვამენ.

— ისე პატარა
ხალხი ვართ, ძმებო,
გაჭირვებამდე
ვერავინ გვამჩნევს,
მერე, იცოცხლეთ,
მზად არის ქება
და ჩვენკენ მეფეც
გამორბის მარჯვედ!
— დათვლილი არის
ნუთები ჩვენი! —
ამბობს მეორე
და იცრემლება!..

ტაკიმასხარას
გაუხმეს ენა:
— ხომ არ ჩაებარდეთ
ყველა მძევლებად?..


პირველმა მშვიდად
დანრუა ბოთლი,
მეორემ თითქოს
ჩამლერა ნალველს:
— შემირცხვენია
ასეთი ყოფა,
იქით წაიქეცე,
საითაც წახველ!..

დაიხურება
პატარა ყუთი,
არავინ დავობს,
არავინ ბორგავს,
არეულია
ოფიცრის შუბი,
მასხარას ძონძი,
დედოფლის ტოგა!..
მეფის კისერზე
მასხარა ყვინთავს
(უცებ გასწორდა
სასწორის პინა!).
ო, საოცრებაც,
დიდთავა ბიჭთან —
დედოფალს მეფის
პაიკთან სძინავს!
ოფიცერი კი,
ეს მხნე რაინდი,
ჩახუტებული
შუბსა და შოროლს,
ალარ გაჰყვირის:
— წინ მეფისათვის! —
და ალარ იგრეხს
ულვაშის ბოლოს!..

მე მაინც მიყვარს
ამ აბდაუბდით
და სისულელით
სავსე კოლოფი,
თავის სიკეთით,
თავის აუგით,
სრა-სასახლით და
თავის სოროთი!
ავხდი ფრთხილად და
— ადგილზე! — ვიტყვი, —
დიდებულეობო,
სალახანებო,
ლოთებო, ბილნო,
ყველას დაგიტევთ
ეს უცნაური
სიზმრის სამეფო!



1973 წ.

ნახ. ბ. ზუბაზვილისა



უსიტყვოდ

300
31.V 1989



უსიტყვოდ

პითომ ეს სანიანგოა?..

ანუ მინიბარათები „ნიანგო“

ქუჩაში კეთილმო უწყობელია, „ნიანგო“, ჩამობრძანდი და შენი თვალით ნახე ჩვენი გაჭირვება! ამ ქუჩებში სიარული ჩვენ გვიჭირს, თორემ შენთვის მისწრებაა!.. ქ. ოჩამჩირე, ლენინის, კომსომლისკაიას და ბაზრის ქუჩიდან სადგურამდე მიმავალი ქუჩის მცხოვრებლები.

ჩვენივე სინათლის გამორთვის სისტემატური ხასიათი აქვს, სანთელი კი სანთლით საძებარია. გამოსავალი ნავთია, რომელიც ხელმისაწვდომად იყიდებოდა მეტრო „ვარკეთილის“ მახლობლად ხომლის ქუჩაზე მდებარე №51 მაღაზიაში, მაგრამ ავიენები ამბობენ, ამ მაღაზიას რომელიღაც კოოპერატივისთვის აუქმებენო. კოოპერატივის წინააღმდეგი არა ვართ, მაგრამ... ვარკეთილის მასივის ზემო პლატო, VI კორპუსი, ბინა 39, 28 და 45-ის მცხოვრებლები.

„სოფელში გეპატიყვებით კორბოულელი გლეხები, ნავით ჩამოდი, „ნიანგო“, არ დაგისველდეს ფეხები!“ ლექსის ხასიათზე არა ვართ, მაგრამ ეს ოხერი უგზობობა სოფლისთვის ცუდი რამ ყოფილა. საჩხერე, სოფელ კორბოულის მცხოვრებლები.

ამ ბარათს მეორედ გიგზავნით. ნუთუ ჩვენი სატყვიარი არც შენ არ მიიტანე გულთან, ძვირფასო „ნიანგო“? არც წყალი, არც გაზი, არც კეთილმოწყობილი ქუჩა, უსინათლობა!.. როდემდე ვიყოთ ასე?! გორი, მელიქიშვილის ქ. № 13, 15, 11 სახლების მცხოვრებლები.

160911 ЦАЛЕНДЖИХА 156 17 30 1532=
КУТАИСИ ГИМАРДЖВЕБИС ГАМЗИРИ 19 4/37 СОСО ЛИА ГИОРГАДЗЕЕБС=
გიაოცავთ ახალ ცელს გისურები დვამრტელობას გენხეუ იტ და გოცნიტ ლილი

კონტროლირებადი
ЭНЪЕМПЛАРИ

მა სახლში, სადაც მე ვცხოვრობ, ხუთი წლის წინ „თბილ-ფოტოს“ სალონი გაიხსნა, შემდეგ მავანმა და მავანმა ამ სახლს სახურავი შეუცვალეს, რის გამოც მოიშალა ხსენებული სახლის სახურავის საქარე. ლენინის რაიონის საბინაო-საექსპლუატაციო ტრესტისათვის მეტად ძნელი აღმოჩნდა ყურადღელ ჩემი თხოვნა მონგრეული საქარის აღდგენის შესახებ. გთხოვთ დამეხმაროთ! პატივისცემით — პენსიონერი რომან ბიჭინაშვილი (თბილისი, ოქტომბრის ქ. № 137).

ეს მინიბარათები მართლაც არ იქნებოდა სანიანგო, მათ ადრესატებს დროულად რომ მიეტანათ გულთან ბარათების უკან მდგარი ადამიანების გასაჭირი. ქვემოთ დაბეჭდილ ეტიკეტსა და დეკლარაციას კომენტარი არ სჭირდება!..

მერქნის გადაფუჭებისა და სახალსო მოხმარების საქონლის წარმოების კომპინატი

პროდუქტის დასახელება ქაღალდი
არტიკული 1000000
ფასი 3 მან. 1 კაპ.
ზომა 1988
დამზადების თარიღი 1988
წუნმდებელი

ბარათები მიიღო
ნანა ჭაჭანაშვილი

წუთი უყვება მეგობარს, როგორი იყო მისთვის 1959 წლის „ელექტრული“ ახალი წელი: მისმა ცოლმა საჩუქრად მიიღო ელექტროლუმენი, თვითონ — ელექტროსაპარსი, ქალიშვილმა — თმის ელექტროსაშრობი, ხოლო უმცროსმა ვაჟმა — სათამაშო ელექტრორკინიჭა.

დასასრულ მან გაიგო, რომ მის ძმასაც, რომელიც ამერიკის შეერთებულ შტატებში ცხოვრობს, საჩუქრად მიუღია... ელექტროსკამი..

ერთ-ერთ წვეულზე ახე სტუმარმა საკმაოდ გრძელი სადღეგრძელო წარმოთქვა და ბოლოს დააყოლა:

— მაპატიეთ, რომ ასე დიდხანს მივიტყვი თქვენი ყურადღება! სამწუხაროდ, საათიც კი არ გამაჩნია.. იქვე მჯდომმა ნუფმა შეამჩნია და უთხრა:

— სამაგიეროდ კედელზე, თქვენს პირდაპირ, კალენდარი ჰქონდა!

წუთი: — სურვილი მაქვს ვნახო ის გაიძვერა, რომელიც გუშინ, ღამით ჩემს ბინაში შეიპარა.

პოლიციელი: — რაში გჭირდებათ მისი ნახვა?

წუთი: — მინდოდა მეკითხა მისთვის, როგორ გადაძვრა ბინაში ისე, რომ ჩემი ცოლი არ გაუღვიძებია.

ძალს ჰყავდა თვრამეტი შვილი. ერთხელაც ერთ-ერთი მათგანი, უმცროსი, გაფისულ კასრში ჩაეარდა. ცოლმა ქმარი შოიხში და უთხრა:

— როგორ ფიქრობ, ძნელი არ იქნება ამის დაბანა? ხომ არ სჯობია მომავალ ბავშვზე ვიფიქროთ?

ოფიციალტი: — მაპატიეთ, სერ, მაგრამ მე არ შემიძლია ამ ბიფშტექსის უკან წაღება, რადგან ის გაღუნულია.

— თუ გამოვიცნობ, რამდენი თევზია მაგ ჩანთაში, ხომ მომცემ ერთ ცალს?

— თუ მართლა გამოვიცნობ, ორივეს შენ გარუქებ!

დიასახლისმა ბავშვის მოსაველად ძიძა აიყვანა.

— რატომ გითხრეს უარი იმ სახლში, სადაც ადრე უფლიდით ბავშვს?

— ბავშვის დაბანა დამავინყდა ერთხელ.

— ავიყვანოთ რა, დედა! — გამოსძახა ოთახიდან პატარამ.

— აბა, მითხარი, დღეს რას მეცადინეობდით სკოლაში? — ეკითხება დედა შვილს.

— ჩვენ ვეძებდით უმცირეს მნიშვნელს.

— უმცირეს საერთო მნიშვნელს? მოითმინე, მაცალე, მოვიფიქრო!.. ასე ხომ ჩვენც ვეძებდით მას, როდესაც სკოლაში ვსწავლობდი, მასხოვს, ის ისეთი პატარა იყო...

— ბოლოს რა ქენით, იპოვეთ?

— რა ვქნა, არ ვიცი!.. ვოცნებობ ცოლის შერთვაზე და დედაჩემის გული ვერაფრით ვერ მოვიგვინც კი ვაჩვენე, არც ერთი არ მოეწონა!

— სულ უბრალო საქმეა. უნდა აჩვენო ისეთი, რომელიც მას ემგვანება!

— მაგნაირიც მოვიყვანე, მაგრამ მამაჩემმა საშინელი ჩხუბი ამიტება!

უსიძინარი პაციენტს ეკითხება:

— გქონიათ თუ არა ისეთი შემთხვევა, როდესაც გესმით ვინმეს ან რაიმეს ხმა, მაგრამ არ იცით, ვინ არის და საიდან ისმის?

— კი. ამით ხშირად კმაყოფილიც დავრჩენილვარ.

— საინტერესოა, როდის ხდება ხოლმე ეს?

— ყოველ შემთხვევაში, როცა ტელეფონი რეკავს, მე მესმის, მაგრამ ხმა უცნობია.

აღღებულმა მგზავრმა სადგურის მორიგეს მიმართა:

— ვერ გამოვიდა, რატომ ჰქონდა აქ მატარებლების მიმოსვლის განრიგი, თუკი ისინი ერთნაირად აგვიანებენ?

— ეს განრიგი რომ არ ყოფილიყო, ხომ ვერ გაიგებდით, მატარებელი აგვიანებს თუ არა!

— ალო!.. ბოლოს და ბოლოს დავილაღე, იმდენჯერ ჩამოუშვეს ჩემს ბინაში წყალი, რომ ჭერიც კი ჩამოვინგრა!.. ჯერ კიდევ წლინახევრის წინ დავტოვე თქვენთან განცხადება სახურავის შეკეთების თაობაზე.

— დარეკეთ 88-224-ზე!

— ეს თქვენი მმართველის ნომერია?

— არა, ამინდის ბიუროსი.

ქორწინების შემდეგ ქმარი გამოუტყდა ცოლს:

— ძვირფასო, მე შენთვის ჯერ კიდევ ყველაფერი არ მითქვამს... ჩემს ორ შვილს ალიმენტს ვუხდის!

— არაფერია საგანგაშო, სამაგიეროდ მე ვღებულობ ჩემი ორი ბავშვის კუთვნილ ალიმენტს!

კომისიის წარმომადგენელი, რომელმაც შეამოწმა ქალაქის ციხე, მის უფროსს ეუბნება:

— პირველად ვხედავ, რომ პატიმრები კმაყოფილი არიან ციხეში ყოფნით!

— ეს იმით აიხსნება, რომ ჩვენ მათთვის ხშირად ვატარებთ სხვადასხვა სახის ღონისძიებებს.

— მათგან რომელია ყველაზე პოპულარული?

— ღია კარის დღე!

პოლიციამ ქუჩაში მთვრალი მამაკაცი დააკავა და მოსამართლეს წარუდგინა.

— რამდენჯერ უნდა გითხრა, რომ უკვე აღარ მინდა შენი დანახვა?

— რა ვქნა, ბატონო მოსამართლე, მეც ვუთხარი ამათ, მაგრამ არაფრით არ დამიჯერეს!

— როგორც იქნა, მივალნიე იმას, რომ ჩემი ქმარი გადავაჩვიე ფრჩხილების კვნებას.

— როგორ მოახერხე?

— ქვედა ყბის პროთეზი დავუმაღლე.

თარგმნა მანანა ჩოკოვნილა

სატირისა და იუმორის
შურნალი „ნიანგი“ № 9
(1787) მაისი. გამომდის
1923 წლის ივნისიდან.

მთავარი რედაქტორი
ზაურ გომეზაძე

სარედაქციო კოლეგია:

ავთანდილ ადგიშვილი
(პასუხისმგებელი მდივანი),
ვახუა ამირეჯიბი, ნოზადი
ბარათია, ბორის გურგუ-
ლია, რევაზ თვარაძე, ჭე-
მალ ლოლუა (მხატვარ-რე-
დაქტორი). ნოდარ შალა-
ჭონია, ალექსანდრე სამ-
სონია, ბეჟან სისარულიძე
(მთავარი რედაქტორის მო-
ადგილე); ჯანსუღ ჩარკვიანი,
თამაზ წიწვიანიძე, ნა-
ფი ჭუსთოიძე.

ტექნიკური რედაქტორი
ირაკლი დუნდუა

გადაეცა ასაწყობად
31. 03. 89 წ. ხელმოწერი-
ლია დასაბუქლად 10. 05.
89 წ. ქალაქის ზომა
60x90¹/₈, ფიზიკური ნაბე-
ჭლი ფურცელი 1,5. სად-
რიცხო-საგამომცემლო თა-
ბახი 1,9. საქართველოს კ-
ცის გამოცემლობა,
ლენინის 14. შეკვ. № 804.
თე 04672. ტირაჟი 130000.

ქურნალი გამოდის თვეში
ორჯერ. რედაქციაში შემო-
სული მასალები ავტორებს
არ უბრუნდებათ.

ჩვენი მისამართი: 880008.
თბილისი-8, რუსთაველის
პროსპექტი № 42.

ტელეფონები: მთავარი
რედაქტორის — 99-55-54,
მთ. რედ. მოადგილის —
93-19-42, პ/მგ მდივნის —
93-10-78, მხატვარ-რედაქ-
ტორის — 99-02-38, გან-
ყოფილებათა გამგეების —
93-49-32, რედაქტორ-ლიტ-
მუშაკების — 99-02-38,
მდივან-მემა ნქანის —
99-76-69.

სატირიკო - юмористиче-
ский журнал «НИАН-
ГИ» (На грузинском
языке). Тбилиси, пр. Ру-
ставели № 42. Изда-
тельство ЦК КП Грузии,
Ордена Трудового Крас-
ного Знамени типогра-
фия издательства ЦК
КП Грузии, Тбилиси,
улица Ленина № 14.

ფასი 20 კაპ.
ინდექსი 76137



89-300

7-89

ՀԱՅԿԱՍՏԱՆԻ
ՊՐԻՆՏԻՆԳ

Ե. Բ. ԵՆՆՅԱՆ

Ձեռք, խո լիւր,
ամո՞ծա՞նք Լեւոն,
ամէ՞նչըն չա՞ն
Պոլսուհի...!

